

Lelo ilyo mulepepa . . .

WWW.TENDAYSOFPRAAYER.ORG

UBUSHIKU BWA 6—UBUFUMU BWENU BWISE

“Ubufumu bwa kwa Lesa buli mukati ka imwe.” (Luka 17:21b, NKJV).

Ubupususho Nabwingila

Muli Luka 19 Yesu aipelesha ukuyaingila mu ng’anda ya kwa Sakeyo. Elyo Yesu atila, “Ipusukilo lishile kuli ino ng’anda lelo” (versi 9). Ponse apo Yesu aikala mu cifulo cenu, ninshi umūlu e po uli. Kabili ilyo taulaingila mu bufumu bwa kwa Lesa, ubufumu bwa kwa Lesa bufwile ukwingila mu mutima obe. Muli Yohane 17 Yesu *apepele* ukuti bakakonka Bakwe bepātulwa muli bumubili *ukufuma* mu calo lelo ukuti beba *ba mu calo* (Yohane 17:15, 16).

Tufwile ukubelesha ubwikashi twaikala pano calo nge fyo twingekala mu mūlu. Nga twatonta pa fintu fya mu calo, tukaba nge calo. “Ukuli icipao cobe, e kuli no mutima obe” (Mateo 6:21, NKJV). Lelo nga twatonta pali Lesa na pa bufumu Bwakwe, ubufumu Bwakwe bukengila mukati kesu kabili bukatushinguluka. “Ifinso fya baume na banakashi abalanda na Lesa, abo icalo cishimoneka cashininkishiwako, filangisha umutende wa kwa Lesa. Fyene fifwala imimonekele yanakilila iya ku mūlu” (*Medical Ministry*, p. 252).

Ulwendo lumo pa nyendo naendele isha kuya ku Cula ku kubile mbila, abāna banōno abengi pamo na bafyashi babo baishile ku kumfwa. Nasambilile kuli ba kakumba ukuti abeni bonse aba baishile pa mulandu wa mwanakashi umo fye. Naipwishe uyu mwanakashi ifyo alesosa kuli bene pakuti bese mu bwingi bwabo. Anjaswike no kuti, “Te pa mulandu wa fintu nasosele kuli bene;” elyo nomba atulālīka ukuyatandala ku mwakwe no kumona ifyaba ku mwakwe ubushiku bwali no kwisa. E fyo twaile.

Akwete akayanda kanōno fye, kwati ni ka tūti kakubikamo ifibombelo. Tamwali fipe mukati kano fye imisengele ibili, akatebulo, no tupuna tubili e lyo ne mbabula. Pa cungulo-kasuba afumine no kuyaiminina ku ntanshi ya ng’anda. Elyo nomba baisa—abāna mupepi ne myanda ibili (200)! Abēkalīke panshi mu lukungu elyo atulangisha ipepala lintu abafyashi babo bashililepo ifiishibilo fyabo. E lyo abāna batantama pa mulongo na o atendeka ukubapēla umupunga. Baikala panshi balālya.

Ilyo bacili balēlya, âlatulondolwela ukuti abenamupalamano bakwe abengi tabākwete ncito, lelo wene alipālilwe ne ncito imo. Amalipilo yakwe tayali ayalinga ayakushitamo ifyakulya fya misango na misango, lelo umupunga wene kuti ashita. Kabili atile, “Twaitwa ku kuba nga Yesu, ku kulangisha ifyo ubufumu bwa kwa Lesa bwaba pakuti abantu babutemwe. Tuli no kubomfya inshila ya kwa Yesu. Ukubapēla ifyakulya no kukūla bucibusa. Bushe nga nalaikalila fye pa lwandi, kuti natemwa shani Yesu? Kabili nga cakuti ndepēla fye icakulya ca ku mubili, cilebafwa shani? E ico ndebomfya umupunga pakulanga ukutemwa ku bāna. E lyo nabapēla ne cakulya ca ku mupashi. Lelo ilingi abāna balapumfyanishiwa. Pa kushininkisha ukuti abāna baleumfwa, bafwile ukuya ku mayanda yabo elyo, nge cishininkisho cakuti bacilaumfwa, baeba abafyashi babo icisambililo no lwimbo baxisambilila lelo. Muli iyi nshila, e mo na ine nkwatile shuko lya kufika ku bafyashi babo. Nomba nacite ci pa inshita iyafungulukako, nābantemwa, kabili balefwaisha ukumfwa”

Cilya fye abāna bapwisha ukulya, atendeke ukubasambilisha pali Yona elyo abasambilisha no lwimbo. Panuma, baishilemukumbatila no kutotela. Naumfwile baleti, “Twalimutemwa Mayo-senge (Auntie)!” Akwete icimwemwe icikalamba pa mpumi yakwe. Atile, “Tepamulandu wa kuti ndefwaya ukubalanga fye ubufumu bwakwa Lesa, lelo na bo balampāla no kwisusha ubuseko muli ine. Ubuseko bukalamba bwa kumona baleisa ku cilonganino no kupepa elyo no kusambilila pa lwa kwa Lesa. Lelo buseko bwapulamo bwa kubamona mu mūlu. Kanshi ndefwaya bene basonde tu matoni twa ku mūlu ilelo.”

Yesu aleisa bwangu! Lelo iwe pa kuiteyanisha ukwingila mu bufumu Bwakwe nga aisa, ufwife ukukwata ubufumu Bwakwe ukuti bwikale mukati kobe *nomba line*. Ufwife ukulapepa cili bushiku, auti, “Mwe Shikulu, napāpāta iseni no bufumu Bwenu mu mutima wandi lelo.” Lesa Aleita iwe ukulenga ubufumu Bwakwe bube ubwashininkishiwa lelo. Ukupitila mwi pepo lya cila bushiku, mu kusambilila Icebo, na mu kupyunga kwa nsansa, ukwikala pano isonde nge fyo wingekala mu mūlu. Leka umūlu wingile muli iwe. Ube amaboko ya kwa Lesa pano nse nge fyo abantu ba citetekelo kale bāli amaboko Yakwe.

Lesa alefwaya ukulēta ubufumu Bakwe mu mutima wenu na mu ng’anda yenu ilelo na cila bushiku. Alefwayo kuti mubéleshe ukwikala pa calo nga ’bekashi ba mu mūlu. Mulelālika umūlu ukuti wise mu mutima wenu kabili lekeni ukutemwa Kwakwe kulesempukilako na pali bambi ukupitila mu micitile yenu.

Natupepele Pamo.

Inshita ya Kupepa (30–45 Minutes)

*Amabumba ya mapepo yonse yabomfya inshila shalekana lekana isha kupepela pamo. Tulemukoselesha ukuti mulekwata utushita na tumbi 30-45 (minutes) mu kupepela ca pamo, mu nshila yonse intu Umupashi Wamushilo walamutungulwila. Tulekoselesha amapepo ya kulanshanya ayepi - umusēla wa mashiwi umo ukufika pa misēla itatu (1-3 sentences). Ici kuti calenga abengi ukupepa imiku iingi. Pe samba pali ifyakulangila ukupepela mwi Lembo (**Praying through Scripture**) ukulingana ne cikomo. Kuti mwapepela na mu fiputulwa fya Malembo na fimbi no kubikamo ifisambililo na fimbi mu nshita mulepepa. Moneni mwi pepala lya “**Kutungulula Intungulushi**” (**Leader’s Guide**) na “Mepusho ya Kupepelapo Icilonganino conse mu calo conse” (**World Church Prayer Requests**) pa kuti mwaishibilapo na fimbi ifyo mwingacita mwi pepo.*

Ukupepa mu Cebo ca kwa Lesa — Luka 17:21b

“Ubufumu bwa kwa Lesa buli mukati ka imwe.”

“Ubufumu bwa kwa Lesa”

Mwe Shikulu, twalishiba ukuti ubufumu bwenu te bwa maka ya pafya mu calo nangu bwa maka ya pafya lupaka, Tupēniko amāno ya kwiluka no kwikala mu bufumu Bwenu ubwa kuicēfya mu bwikashi bwesu lelo. Lengeni tube abalīnga ukupyunga, ukusansamusha, no kukoselesha abāna Benu pano isonde.

“Buli mukati ka imwe ”

Mwe Lesa, twafweniko ukwikala nga ’bekashi ba mu mūlu ukutendeka lelo. Twalushisheniko amenso yesu ukuyafumya ku kuilolesha fwebene elyo tumoneko na bambi. Muntu nshi mupepi uulekabila ukutwi kwa kumfwa? Nga uulekabila ifyakulya nangu ifyakufwala fyakaba ifya bāna babo? Bushe n’ani alekabila ukumfwa ku bunte bwesu pa lwa maka ya kwalula ifintu aya kwa Yesu? Landeni ku mitima yesu no kubyala ubufumu Bwenu mu myeo yesu lelo.

Ukulundapo ifyo Mwingacita mu Mapepo

Ukutasha no Kulumbanya: Tasheni Lesa pa mapālo ayo mwishibe no kumulumbanya pa busuma Bwakwe.

Ukuyebelela: Buleni utushita twa kuyebelela mu nkama no kutasha Lesa pa kumwelēla.

Ukutungululwa: Ipusheni Lesa ukumupēla māno pa filemukosela nombā na pa kusala kwenu conse.

Icilonganino cesu: Pepeleni pa kukabila kwa cilonganino mu citungu cenu elyo na mu calo conse (moneni pe būla lyaibela apali ifyakwipusha).

Ampusho ya Pamwesu: Pepeleni pa kukabila kwa filundwa fya cilonganino, ndupwa, na bena mupalamano

Ukumfwa no Kwasuka: Buleni nshita ya kumfwa kwi shiwi lya kwa Lesa no kwasukila mu kulumbanya na mu nyimbo.

Inyimbo Mwingemba:

Local Bemba #303 Tumeni Ulubuto - (Send the Light);

Local Bemba #302 Tuli Bana Ba Mfumu - (We are Children of the King - *Christ in Song* # 264);

Live Out Thy Life Within Me (SDAH #316); He Lives (SDAH #251); So Send I You (SDAH #578)

Other Songs: We Are His Hands; Brighten the Corner, This Little Light of Mine